

中國近代史資料叢刊

鴉片戰爭

VI

中國史學會主編
神州國光社出版

中國史學會主編

中國近代史資料叢刊

第一種

鴉片戰爭

第六冊

編者

齊思和 林樹惠 壽紀瑜

神 托 國 壘 社

中國近代史資料叢刊
爭戰片鴉第一種
(全書六冊)

總編輯	徐特立	主編	中國史學會
陳垣	范文瀾	鄭振鐸	翦伯贊
胡繩	呂振羽	向華	高達
邵循正	白晉華	白晉華	
齊思和	林樹忠	顧頡剛	
神州國社	壽紀瑜	錢穆	
出版者			
上海市書刊出版業營業許可證第144號			
上海四川中路三〇號三三室			

1954年10月第一版 印數1--5000部
正文1865頁 字數2471千字
787×1092·1/25 印張156
定價每部134000元

福新印刷所排版 啓智印刷廠印刷

鴉片戰爭資料叢刊第六冊目錄

第九部分 一般敘述

夷氛聞記	梁廷枏	一
夷艘入寇記(抄本)	不著撰人	一〇
道光洋艘征撫記(聖武記卷十)	魏源	一七
防海紀略	王之春	二九
鴉片事略	李圭	三〇
和夷紀略(夢園初集文集卷十一)	劉曾驥	三一
清史稿邦交志(摘錄)	柯紹忞等	三三
英人強賣鴉片記	日本人撰 湯叡譯	三五

附錄

一 鴉片戰爭人物傳記上	編 著	三一					
一 林則徐傳	二 黃爵滋傳	三 關天培傳	四 陳連陞傳	五 麥廷章傳	六 葛雲飛傳	七 王錫朋傳	八 鄭國鴻傳

- 九 陳化成傳 一〇 裕謙傳 一一 海齡傳 一二 朱貴傳
 一三 韋逢甲傳 一四 鄧廷楨傳 一五 劉韻珂傳 一六 牛鑑傳
 一七 程懋采傳 一八 邱 墳 一九 楊芳傳 二〇 達洪阿傳
 二一 姚瑩傳 二二 尤渤傳 二三 余步雲傳 二四 穆彰阿傳
 二五 琦善傳 二六 伊里布傳 二七 耆英傳 二八 奕山傳
 二九 奕經傳 三〇 烏爾恭額傳 三一 特依順傳 三二 魏源傳
 二 鴉片戰爭人物傳記下
- 一 巴麥尊傳 二 璞鼎查傳 三 查理·義律傳 四 喬治·義律傳
 五 伯麥傳 六 孜烏古傳 七 巴爾克傳 八 馬禮遜傳
 九 查頓傳 十 孽地臣傳
- 三 清道光朝軍機大臣年表
- 四 鴉片戰爭時期總督年表
- 五 鴉片戰爭時期各省巡撫年表
- 六 鴉片戰爭時期英國執政表
- 鴉片戰爭書目解題

編 著

卷四十一

四七

夷氣聞記

原刊本 向達先生藏

梁廷枏撰

編者按：本書曾於一九三七年由商務印書館據孟森所藏鈔本付印，譌誤很多。孟氏又將書名改為「夷氣記」。今據原刊本付印。正文全錄，注中所引奏摺已見於本書者酌刪。

卷一

英夷狡焉思逞志於內地久矣。大西洋葡萄亞即布路亞於前明乞得香山濠鏡澳以居，曰澳門，易中土物歸，而懋遷於西海諸國，諸國皆豔羨之。國朝康熙初，因鄭成功寇閩，上下及浙、粵爲沿海郡縣患，於是遷民內居，築界牆，嚴海禁，洋舶自此不得入。設兵樹椿，置墩守界。惟澳夷地在界外，生齒已繁，不便就阡陌耕作，舍貿易又無以資其生計，乃於入香山縣隘道曰橫石磯，設爲關閘，許買食內地米石，計口而授，月兩啓放，內貨隨之，得航出大黃、茶葉如故，轉緣禁海得獨專其利。時英夷已據印度之孟阿臘海岸，闢爲市埠，肇設公司局，循東南洋轉相販買，自恨其市舟不能至粵，羨澳夷益甚。二十二年七月，提督施琅蕩平臺灣，海氛大靖。又二年，南洋開禁，置江、浙、閩、粵四海關，江之雲臺山，浙之甯波，閩之廈門，粵之黃埔，並爲市地，各設監督司，榷政定海時尙未立縣，英船至，則舶舟山，道新城定海，監督張聖誥乃築紅毛館城外，使居焉。其市粵，則自雍正十二年始，既乃厚集資本爲公司，稱公班衙掌以班酋，司貿易，與關官商吏役，利其貨殖饒裕，逐漸迭增其規費，徵索視浙關獨奢。巡撫楊文乾清釐以歸諸官，今關冊所稱歸公例是也。未幾歸公者又積成正餉，而舊私收之規費未裁。英商故狡猾心計，析及鑄銖，孟阿臘士番船之假英旗報以入者，率愚鰐，輒受欺於吏役且苛。乾隆

二十年，英商華苗殊知浙閩費視粵減也，駛舟定海求市，當事請倍增其稅，諭以夷並市甯波，日久又成一澳門，民風士俗之有關係者大，是以更定其稅則，視粵稍重，俾洋商無所利而不來，意初不在增稅也。二十四年，其國商任洪輝以市浙非便，此後勢必就粵市，揚帆直赴天津，計粵關陋弊，欽使訊實，監督得罪，洪輝坐交結內商囚澳門三載，始釋回國。『康熙紀行』：『康熙間，英吉利始來通市，後數年不復來，雍正七年後，互市不絕。初廣東碣石鎮總兵陳昂奏言，臣偏觀海外諸國皆奉正朔，惟紅毛一種，好兇莫測，其中有英吉利諸國，種族雖分，聲氣則一，請飭督撫閩部諸臣，設法防範。乾隆七年十一月，英吉利巡船遭風飄至澳門海面，遣夷日至省城求濟，廣東總督策楞令地方官給資糧，修船隻。先是其互市處所，或於粵，或於浙。十二年，部議英吉利不淮赴浙貿易，於是皆收泊廣東，每夏秋之交，由虎門入土產，則有大小絨、暉曠、羽紗、紫檀、火石及所製玻璃鏡、時辰鐘等物，精巧絕倫。二十四年，方嚴絲舫出洋之禁，兩廣總督李侍堯奏言，近年英吉利夷商屢違禁令，潛赴寧波，今絲舫禁止出洋，可抑外夷驕縱之氣，惟本年絲舫已收，請仍准運還，奏入報可。是年英吉利夷商任洪輝妄控粵海關陋弊，就有微商汪聖儀者與任洪輝交結，擅領其國大班銀一萬三百八十兩，按交結外國互相買賣借貸財物例治罪。二十七年，英吉利夷商白蘭求仍通市，兩廣總督蘇昌奏准照東洋銅商搭配綏船之例，酌量配買，每船准買土絲五千觔，三疊湖絲三千觔，其頭疊湖絲及袖綏綏疋仍禁止不得影射。自是英吉利來廣互市，每船如額配買，歲以爲常，其明年並准帶納綏成疋者二千觔。』其年，英商白蘭求仍通市，出洋絲舫船予以限，粵關規費復裁以歸諸公。故事諸夷來粵售貨畢，即乘風去，以索逋留者，必令移居澳門，謂之住冬。澳夷初緣市利裕，習慣奢靡，樓房櫛比，土木華侈。既開海禁，不獲終專厥利，漸形貧弱，歲恃諸國僑寓，徵租值自給。其富者出租，就額定海艘二十有五，載貨還澳，例得自與客民交易，稅徵買者。客人夷樓買貨下，便單渡過關，按貨投稅，林制府以渡夫充自賈民，輸稅失體，革之而別招澳商，亦終不果召充。他夷則必令入虎門，泊黃浦，至卽有大船輸鈔之令，自裁改歸公後，積年而私費復增，例禁在官，所以制限諸夷者，尺寸皆不容越。英夷苦之，益垂涎澳夷得安居內地，又聞俄羅斯人之得

入太學而羨之。然當粵關開時，已慮俄夷來船驟旺，妨蒙古生業，別開陸市於車臣汗部之哈克圖，不令至粵矣。惟荷蘭以助剿臺灣，首得通市，特緣資本未裕，來船尙少。佛蘭西之來，雖遠自前明，顧物產貨貿並絀。其例，卽雙鷺普魯社，卽里齊領墨，卽黃旗零際，卽璣國綏沙蘭，卽瑞民不許食茶，銷流內貨無幾，故雖與歐塞特黑，卽雙鷺普魯社，卽里齊領墨，卽黃旗零際，卽璣國綏沙蘭，卽瑞國等國，皆歲以船至，而不及英商遠甚。米利堅雖源源而至，而物粗船小，獨英船易茶出分售西南洋國，自以貨多稅重，并冕諸夷，又方戰勝佛蘭西，終不得有其地，欲倚重天朝，將爲諸夷雄長。每思所以得天朝心，莫若輸誠入貢，恭遇純廟八旬萬壽，其王喬治遣使戛爾尼備方物，先使其大班牘呈總督請奏，謂貢物頗貴重，請免由粵道入都，是以貢物逕泊天津。上嘉其嚮慕誠悃，燕賚回賜，視他國優厚。事畢，從容出其王副表，請留一人居京師，理其貿易。使臣復詣內閣陳請，欲改由甯波、天津通市，並求給舟山小島與附近廣東省城一小地段定居。其來商廣州者，自城外下澳，及貨由內河載運，竟求免稅，或酌減而少之，皆非貢使所宜妄干也。純皇帝念其化外無知，不予以深究，但諭以所請均屬窒礙難行而已。使臣反復頒勅以諭其王，俾知所以不可行之故。時貢舟先開，泊定海，侍郎松筠護送陸行至浙，代請免所市茶絲稅，且許由內河達粵，恐其所求不遂，或煽誘他國，隨令所過提鎮陳兵接護，錄勅宣示廣督，俾存檔交代，便他時考覈。五十八年事也。六十年復備貢物，由駐粵大班波朗呈總督代進，表文陳及助兵攻廓爾喀事，蓋用兵廓夷時，大將軍聞其南界，忽有兵事，至是始悉其由。嘉慶十年，使臣多林文入貢，適海盜張保等猖獗，英兵船四泊虎門，請代捕盜，故又表稱有事喜歡，効力語。先是七年，英兵船六泊鷄頭洋數月，殆有窺伺澳門意，因與佛夷搆兵，慮佛人至，直揭其隱，爲所中傷妨市，亦表及之。十三年，兵敗於越南富良江，駛三船泊十字門，登澳踞守諸臺，既又續來船八，兵目度路利越。

關，私入公司館，總督吳熊光知而曉之，不聽，則封船禁其買辦，凡四閱月，乃贛去。二十一年，使臣羅爾靈囑噶喇仍由天津入貢，尙書和世泰蘇楞額如津門部署，促兩使盡一晝夜馳至圓明園，衣裝皆落後，容皇帝御殿受朝，正使稱疾請假，副使以朝服未至，不能成禮爲言，世泰遂亦以病奏。上震怒，却其貢物，即日令使臣出都。英夷本意欲借貢厚結天朝，希恩澤，迨三貢而弗獲如所望，圖澳復不得逞，大班喇佛旋以洋商行用驟加二十倍，詣巡撫稟許，下司議，又寢不行。例定貨銀每兩抽行用三分，爲辛工。掠毫棉花每擔抽二兩爲加至二十倍，他貨稱是。蓋軍需貲價，及擁還夷債，皆取諸行用，遂有內外用名目，此洋行商人所私增，致夷怨者。於是英商積不平，屢形桀骜。道光中，署督朱桂楨毀其夷館前碼頭，遽率其來船碇泊外洋，舉八事要挾，以米利堅不從而止，猶以載運鴉片爲利不貲，而稅羨實足資其國計，當慮市易中斷，則利失無以立國。且歷受中國懷柔，亦無隙可乘，無口可藉也。故隱忍久之，不敢驟發。蓋西南洋五印度之南，中西屬諸英者十三部，而孟阿臘居首，與孟買部皆鴉片所自出。乾隆初年以來，內地嗜食漸衆，販運者積歲而多，一時來至二萬餘箱，價值逾六千萬。由南洋新埠陸續運至粵海，伶仃洋船隨賣隨又運至不絕，謂之躉船，全恃沿海內地游手走私奸民，詳見後。爲之載棹入口，灌輸內地。每千六百八十効爲一躉，約三百効爲一船，故名躉船。沿海邊郡遞於天津，皆躉船之所流注。販戶先收貨會城入夷館，易鴉片單出，付買者持示躉船，則按數而給。「海國圖志」鴉片製造，在八達埠，在默達加爾吉達，稅籤上可查，每年到中國多少。

近來五六年前，孟阿臘出產七萬九千四百四十六箱，內有六萬七千零三十三箱到中國。道光十三年，七千五百九十八箱，十四年，一萬二百零六箱，十五年，九千四百八十五箱，十六年，一萬三千零九十四箱，十七年，一萬零三百九十三箱，十八年，一萬六千二百九十七箱，此孟阿臘一處數目，孟買等處所發貨在外。每年印度所收鴉片稅，自五百萬至一千萬圓不等，故巴釐滿遂以印度爲屬國中之第一。因孟阿臘官貪心，故港口貿易較之孟買尤大，每年解至英國之銀，約三百一十五萬圓，連存留在印度以及各官所用，大約有一千萬圓，故英國受鴉片之利。

益不少。又在印度鴉片之稅，英國多年得孟阿臘地稅銀四百二十二萬九千七百十二圓，地稅外又征牧飼稅，現在常例外再加四款稅餉。第一款，種波畢之時，即須上稅。第二款，波畢成熟之時，以估價之多少上稅。第三款，於取波畢汁之時上稅。第四款，於出口之時上稅。合計收飼銀，連地稅共收銀九百六十八萬四千餘圓。除公司貿易外，餘地皆禁止，不准栽種，以免走私漏稅之弊。除英國所轄地方外，他國亦有出產者，如麻爾達（或即麻六甲）地方，亦種波畢，且製作好，價值昂。先年有公司包攬時，三分中一分由孟買出口，三分由路布亞國所轄之摩孟出口，今却有十分之九由孟買出口，只一分由摩孟出口。因此英國逐年得孟買鴉片稅餉銀百萬圓。又一千八百年間，中國准鴉片進口，以藥材上稅，及後奉旨禁止，而廣東官府仍准鴉片薑船。長寧在黃浦，尙未禁令往洋。二年令薑船不准泊黃浦，泊是處伶仃洋及澳門、汲水門等處。又議定規銀每箱若干，自總督衙門以及水路文武官員皆有之，惟關口所得最多。或在船上來取，或在省城交收，皆逐月交清，亦有將鴉片單折，每次自一箱以至百五十箱為止，却無定數。此走私之光景，著實可痛。若想印度人不栽波畢，除非中國人不買鴉片，除非印度人不栽波畢，二者皆所不能。又伶仃洋係中國荒地，並無兵房營汛保護，可以任外國人停泊。然水手為人所殺，中國亦將兇手捉獲施刑，是中國人在相鄰自己海岸上，施行其治。以保護他國之旗號，故亦可在彼處地方，行其所立之章程，不得謂在伶仃洋販賣鴉片係合法之事。又英吉利之外，米利堅人銷用綠茶最多。道光十三、四年，米利堅船由中國裝出茶葉，不下一千八百六十八萬八千五百三十三磅，從前並無此數也。歐羅巴內地銷用茶葉，以荷蘭、俄羅斯兩國為最。荷蘭每年要銷二百八十萬磅，耶斯尼每年銷用一百八十萬磅，或二百萬磅。佛蘭西在廣東出口時，茶葉雖多，然沿途分售，及到本國進口時，數已減少，只銷二十五萬磅，然只用之以作醫膳經之藥材。因佛蘭西酒多便宜，故不甚銷中國之茶也。俄羅斯茶在北邊蒙古地方買去，在道光十年買去五十六萬三千四百四十磅，在十二年買去六百四十六萬一千磅，皆係黑茶。由恰克圖旱路運至擔色，再由水旱之路分運，那阿額羅、黃旗、綏領船，並督駐船所運茶葉，皆不甚多。其印度各地銷用之茶，每年有英國六七船前去售賣，其阿文比拉俄各島中茶葉，係中國福建人裝出販賣。中國人海船，放到蘇祿文萊路哥尼阿新奇坡附近各處，係順西北風駛去。英吉利人亦有在新奇坡買中國茶葉回國者，其茶均是上等，現在各島每年銷茶之數，年增一年，總而計之，中國每年出口之茶葉，有七千餘萬磅，與鴉片貿易，可以抵對。

道光十三年，公司以連歲失利，期已久逾，聽臣民請散局而還其原貨於國，散商來船益多，常貨無以遂

其壟斷，故卽以所分貲，減運鴉片。光祿寺卿許乃濟之觀察東粵也，稔知非特文告可禁，害將無所底止也。時懷隱憂，而未得所以清源之法。其同年生順德何太青令仁和，擢坐乍浦，能歸諱，最投契。從容爲言：「紋銀易烟，出者不可數計，必先罷例禁，聽民間得自種罂粟，內產既盛，食者轉利值廉，銷流自廣，夷至者無所得利，招亦不來，來則竟弛關禁，而厚征其稅，責商必與易貨，嚴銀貢罪名，不出二十年，將不禁自絕。」實中國利病樞機，如無敢舉以入告何？乃濟大爲所動，以質教官之監課書院吳蘭修者。蘭修故嘉應知名士，號多聞，留心世務者也，亦是太青言，退爲論曰：「弭害」而暢明之。論云：「天下之害，常與利相因。」上焉者，利害均，其次利一而害十，其則利一而害百。如是止矣。其弭害之策有三：上焉者，拔本塞源，次則嚴法厲禁，下則避重就輕，亦如是止矣。若鴉片者，其於人也，利一而害百。其於國也，無裨末之利，有莫大之害。其弭之也，幾於無策。夫害至幾於無策，而不急爲之機，何異厝火積薪之下，而燕息其上也。請得而條議之。鴉片之類有三：曰公班，皮色黑，亦曰烏土，出明確喇。一曰白皮，出孟達喇。其氣熏，其性效能提神止泄辟癥，其於人也，柔而善入，狎而易溺，久則廢時失事，相依爲命，甚者氣弱中乾，面灰齒黑，明知其害而不能絕也。嘉慶初，食者甚少，不二十年，蔓衍天下，自士大夫以至販賈走卒，而趨之，驟然而不返，所謂利一而害百者此也。鴉片之入販於澳門，後徙伶仃洋。初至，約數百箱烏土，每箱價約一千二百圓。白皮每箱約千圓。紅皮，約八百圓。總計歲耗洋銀約數十萬圓。近年多至二萬餘箱，烏土約八千箱，每箱約八百圓。白皮約一萬三千箱，每箱約六百圓。紅皮約二千箱，每箱約四百圓。總計歲耗洋銀約一千五百萬圓。其始猶以洋銀買貨，今則盡以歸國矣。始則專收光頭，今則兼用碎花紋銀矣。始則英吉利之銀不來，今則花旗港脚之銀亦少來矣。我國家休養生息，幾二百年，四海殷富，金幣充塞，然而天地之數，散之甚繁，聚之甚難，以中原易盡之，疆域外無窮之都，日增月益，不知其極。所謂無織末之利，有莫大之害者此也。論者謂下閉關之令，絕其互市，捐一百餘萬之稅，留一千餘萬之銀，則失小而得大，此據本寒涼之說也。大西洋諸國，通市舶者，千有餘年，住澳門者二百餘年，其販鴉片者，止英吉利耳，今將絕英吉利乎？抑盡諸國而絕之乎？盡絕則無以服其心，專絕則無以善其後。即使諸夷盡去，而渤海數十萬眾，一旦失業，無以爲生，小則聚而爲奸，大則引以啓禪，東南之患自此始矣。就會無患，而蛟門以外，擇島爲蜃，天津、江浙、閩廣之船，皆得而至之，又烏得而絕之哉？論者又謂民情之玩法也，非重

夷氣開記與不能止，此嚴法例禁之說也。嘉慶初，食鴉片者罪止枷杖，後則屯販有禁，熟者有禁，海口出入有禁，密以巡哨，重以流徒，加以連坐，法非不嚴也。禁非不嚴也，而弊仍不止，何也？蓋法令者，胥役之所藉以爲利也。立法愈峻，則索賄愈多，其包庇如故，護送如故，販與食者卒如故也。否則獲十百而報一二，奪人之禁物而鬻之，猶自販耳。而况爲官假役，百弊叢生，前車之轍，亦可鑒矣。奈何惡濶而揚波，止沸而益薪哉？然則爲今之計，亦惟權責之輕重而已。自一人言之，則鴉片重而銀輕，合天下言之，則鴉片輕而銀重。查海關舊例，藥材款下，鴉片每百斤稅銀三兩，又分頭銀二兩四錢五分。嗣後請飭外夷照舊納稅，交付洋行，兌換茶葉。內地種者勿論，至夷船出口，止准帶光面洋銀，其內地鑄印等銀，照紋銀例，一體嚴禁。由產商報查具結，關口盤獲者給之，密報者給半，具結不實者罪。於是則通天下之貨，留海內之銀，十年以後，生計復矣。此避重就輕之說也。顧論者必謂寬一時之法，戕萬衆之生，則開禁難竊。以君上之義民，猶父母之愛子，飲食男女之欲，皆足以傷生，嚴以禁之，不可得也。使饑其心，而生其悔，則溺者寡矣。論者又謂耗中原之地力，奪天下之農功，則內種又難。謹按南方罂粟，三月成苞，收漿之後，乃種旱稻，所妨者麥耳。夫三熟之田，二稻一麥，稻之利八，麥之利二，鴉片之利數倍於麥，其益於農者大矣。楚人失之，不猶愈於夷人乎哉。總督盧坤、巡撫

祁頃，見而心折。蘭修更約其長學海堂同事南海熊景星、番禺儀克中，各著論以興爲輔，隨述『粵士私議』，附片陳焉。以例方嚴，僅約略其詞，終不敢明請弛禁，成廟亦置之，但令沿舊禁加嚴而已。十五年，坤卒官鄧廷楨自皖撫擢繼其節。乃濟先改官都門，取蘭修舊說，稍稍潤飾條上，舉朝無繼言者。御史許球疏爭以爲不可。乃下鴻臚撫察其當否會議未決。克中故墳同鄉，寄粵籍，得舉，方就墳記室，勸行頗力。海事會奏，總督例主稿，墳親袖克中所擬覆草詣商廷楨，留之，發掾錄正，會印拜發有日矣。值廷楨誕朝，嘉善陳鴻墀，主講越華，南海李可瓊以都轉假歸，皆門下士，相將入祝，共約以弛禁不便，阻其成議。酒間，果及奏覆事，可瓊耄且聾矣，鰓鰓謂他日子孫恐沾染耗財爲累。鴻墀大言曰：『事繫天下風化，累在吾師聲聞，百世後青史特書某實首請弛禁若之何？胡以一家之私爲也？』廷楨悟，卽以禁約正嚴，罷勉綢繆，安知無濟，請從此力持三年，如至期

果不效，始計更張未晚。具稿，壘勉列奏，究非意所安也。

十八年，鴻臚寺卿黃爵滋，有漏卮宜防，請置重典之奏。詔下其奏，欲廣收衆論，令內而九卿，外而將軍總督巡撫，具議得各抒所見條對。於是，有請稍加罪名者，有請鑄銅爲牌，當銀者，悉留中，獨兩湖總督林則徐言極剝切，謂目前因循不辦，十餘年後，銀日消耗，兵日吸食，大爲中國患。因條上分限，授首製具與販處分諸法，爲禁物，永絕之券。上大爲感動，召至京，面授方略，以兵部尙書佩欽差大臣關防，馳驛至會督撫商辦。

廷議販賣吸食皆死，著爲令。予戒限年有半，粵中辦理已節節從嚴。訪緝販戶，不遺餘力。貨舟往天津官爲查驗，封船抵津，復由官驗啓。沿海諸營，以兵遞送，駐舟師中路伶仃。東路惠潮洋面，按月輪截民泊，夷船售私者，見即捕執，格殺勿論。首令省紳設局勸繳膏土吸具。廷楨先嚴檄州縣實力奉行，勅去其吸食者，屬屬吏具文應也。則故差其材官分出，而坐催之。民俗騷擾，熬驗於官，日以百計，瘐死者衆，踵首之風四起。因有條陳倣保甲法，爲五家互結者，然後良民得自爲聯保。時省辦嚴，鄧公明知騷擾，而轉有假是以動民，使水戒痛絕之意。派及材官，原不得已之權宜也。省中兵役，裁減半省，日夕索詐，絡繹於道。旁職工賤役，日販率以賄縱，瘦瘠者寥寥。外縣試用，尤藉以居奇，草木皆兵，幾無寧宇。黃埔本番禺近海村落，夷船所聚泊處，不能無所苦。鄧公密調順德令威昌，夜掣兵役往搜，鄉人以番金張錫壽不至，意其爲遠出，拒，遂傷官役。予下鄉收繳，還言諸郡公乞勿過爲操切。宣聽五險保結，以爲究竟，遂令予補憲上之。紹興名士胡蕃，方就幕潮陽，以爲是雖變通古法，而不可行於潮郡。虛鄉有土城，將負隅以抗，而卒亦如此議行矣。當諭旨嚴切時，高要廣利墟，素有所積，由此越梧州關，滯輜西學，有旨切責。蓋條奏者，以廣利有小澳門之名故也。鄧公旣拘闕吏，並以責高要令，無所得，乃召予入署，示以軍機字寄，語次涕下。予亦感動，爲購得墟舖之爲營土，得以藏者，列其舖號以入。會令繳十顆至，忘撤所記舖名，對驗正中。又質以泥沙，詢悉山，更保管起者。於是令候補知縣言真鉉往。予勤公事，有辦，宰勿以人命爲功。且鉉首肯，終牽一火者，委覆乃已。墟舖之藏者，凡十餘家，各以地道入，時有由渡分寄以廟官，至令亟避者。皆則徐未

至前事也。凡大班始至，具盛服帶劍，候謁洋商，三日而後見。自夷性日驕戾，廢此禮久，商之所以投夷好者，無乎不至。勾通府幕官有舉動，夷輒先知。又慮大班遇事挑斥，益低首下心，委婉而順承之。商賈愚固不一，然利夷之利，則人有同情，夷遂得而持之矣。公司局散費省，不復以官來，大吏惡其水梢素橫，散商無所統一，諭使仍派夷官自理。逾年，即以串磅碑至，欲設審判署，辟屬自助，未報，遽入出其國文，將面投總督，商代呈不許。遣廣州副將偕守詣詢，亦秘不以來意告，遂禁其火食糧而出，旋憤極而死於澳。十六年，繼以義律已懲前事，初至極恭慎，再請而後入，居夷館，稱遠職。蓋英俗貴所都蘭嵩人，義律籍其國屬的縣士小島，於國寶疎，逐利權，非其所專，遙大班甚遠。故自抑不敢肆如此。西夷於卦方屬兌，俗重女子，從師就學，一同丈夫，嫁則跬步弗離，事必順而聽焉，土風然也。義律素敬服其妻，生一子矣。此來，謂招自中國駐粵必久，攜以至，然亦但治其船梢，未嘗與聞貿易。蓋來者皆其民之貲貨，出入盈歉，皆所自主，非復向者之官六民四屬諸公司大班也。

十九年正月，則徐既抵粵，詳考禁令，訪悉近年情事，與夷商輕貌所由來。林公前官蘇撫得士心。江蘇郭桂船庶常，書院中所最賞識者。豫厚茲來粵，市聘就幕，會予應聘總修粵海關志，署牘錄發出其手。林公未度嶺以役，迎諸贛州，郭亦附書以迓，如予先在海防書局，所有諸國禁令，及沿濱要隘，諸營界域道里，墩臺砲械，皆有錄存圖繪。於是厚茲據其首要海關事，轉爲圖說，為燕雁獻。先是林公官杭嘉觀察，見予所著書，認承獎信，至是，就局中錄爲巨帙，授郭獻之。予方由越華院遷隣舍，以備行轅。公過而先下顧，談極暢。嚴責首商，商衆威長服。隨札諭夷商，速繳禁物，委曲開導。時夷商聞中國法必行，往日售私最多者，曰墮噠，已先透出伶仃。次則顰噠，尚徘徊未去，則徐以義律領袖諸夷，預示以將來繳盡，宜出具夾帶者，人正法貨入官廿結，乃可不斷市易，為渝四條。又籌辦內地興販吸食者，先以所訪積年販戶下司行拘，頒結式，令四民互

保海口船戶，亦編澳甲，書名帆上，以便稽察。

當時章程十條：一吸食者，立限斷煙，省城以二月爲始，截至三月底止，外府州縣。

以奉文之日爲始，勒限兩月，一體戒斷，其有舊存烟土、烟膏、烟槍、烟斗，及一切零星器具，一概准其繳官，不問姓名，但不得稍有隱匿。所繳烟槍，必須辨明真偽，外已純熟，中清烟油者爲真，以新竹滌烟油者爲偽。至於籠口興販，烟槍等項人犯，若不將烟土烟膏，首繳到官，及至被人告發，或線人引拿，搜獲真贗，據定當盡法懲治。並以本犯財產，籍沒變價，賞給首告及引拿之人。諭者反坐，一有人告發，或現犯供指，或線人密告，應行進呈搜查，其夾帶栽贗之弊，固不可不防，而謠言鼓惑之風，亦不可不戢。嗣後遇有廳行入室搜查者，文武各官須親帶兵差，甫經進門，先將帶去兵差，逐一搜檢明白，仍於出門時，當眾照前搜檢，栽贗攬繩二弊，均無所藉口矣。一大小文武官員，許其所屬裏首，廣開指掲之門，非經其凌長犯上也，直指告罪人耳。沿海營弁，更難保無得規徇隱，售私吸食諸弊。嗣後無論地方鹽務，文武官員，其屬下有吸食或包私者，該管上司代爲劄庇，一併嚴參，其上官有吸食或包私者，屬下果能切責稟摺，熬審不虛，分別記功，獎勵拔補。一各州縣奉文之後，勒限兩月，收繳烟槍、烟土、器皿，應資成該州縣分部分圖，由城及鄉，挨次編查，保甲以塞其流。教諭紳士爲之綜理，再由紳士選舉各鄉公正衿耆，分段編查，赴縣具領門牌底冊，詳細填註，其有不能相信者，許以該戶名下，註明不敢保守。地方官即將各鄉不敢保之人，另立一冊，限日搜查，無實據者，而資成該管族黨正副立限確查，切實保結，倘仍前不敢担保，立即嚴拘訊究。一士爲四民之首，文武生員，有吸食鴉片者，予限兩月，若再觀望遷延，則其罪實較齊民爲重，即資成教官，逐一挨次轉報地方官，審明實據，立即詳革治罪。教官查核學冊，隨意撥派五人，互相聯保，各於冊內詳註互保姓名，事竣，申繳備案，至捐職及貢監生，令各州縣細查冊冊，開明人數，造冊移送教官，諭令生員各保所知，倘生員未能盡悉，不肯遞保，即資成已經保過之捐職貢監保其同類，其無保之人，查訊熟驗。一兵丁吸食，精神筋力，疲憊不堪，亟應明定章程，嚴加考驗，以除稽弊，以肅戎行。每五人爲一伍，令其互相連環保結呈送，所不敢保者，另立一冊，總候委員熟試。一幕友官親長隨，統於兩月限內，特署中有無吸食之人，出具切結，屬員申送上司，同官互相咨送，以查考，經承小書，各班書役，亦應資成本官設法查禁，亦隨便指撥五人，互相派保。一粵東中東西三路，口岸出洋之搭船，拖風渡船，泥船，以及艤等項，或攬載私貨與販吸食，或貪圖微利，接濟奸夷，責令該口岸澳甲編號造冊，是送該管衙門，約令五船互保，將無人保結之船，另造一冊，隨時挨次搜查究辦，即或者無實據，亦應編入岸地，交保約束，不准再令駕駛出洋。其內河大小船隻，以及疍家漁船，均資成地方官，一體查辦，倘有客商違例夾帶吸食，許該船戶前赴沿途地方官審行首稟。一船石噸三扇或二扇，

書寫大字三行，中一行寫某州某人姓名，右一行寫某字第幾號，左一行寫第幾甲第幾牌。一客寓寺觀飯店，所有暫時寄寓之人，應由地方官責成廟祝店主，設立循環號簿，諮詢里居姓名，詳細註冊，每五日送該管衙門考核，許該廟祝店主隨時審首。一各客商過關投稅，勢難一一打開盤驗，責成行戶經紀人等，逐一檢查到關，即將貨單保結呈繳關口委員核對圖記相符，然後抽查貨物。二月初十日，義律自澳入省，欲挾順曉私逃，以爲匿處澳門，或下船次，皆無如我何也。則徐偵知，撤其買辦，調集巡船圍泊夷館後，查截嚴緊，使無從下河，而箝斷臘德，防其遠遁。十四日，義律計無復之，乃請就夷樓黃埔及縱洋躉船所有，合二萬二千八十八有三箱，盡數呈繳。開繳數雖多，然其中有內地人先向夷樓交銀取單，未及載運者，又有上年由粵赴天津，以港口查辦嚴不敢入，而原船帶還，仍借放還船者，似非盡英夷之物。然據澳門月報，一云繳與中國，值贊碑二千五百萬兩，一云繳銷破費一千二百五十萬圓，皆以所繳數核算，贊碑值半圓，兩數相符，是非借放者，亦作該船物矣。

則徐親赴虎門驗收，凡二百三十七萬六千二百五十四觔，以箱凡百二十觔計，轉浮出所呈數外。奏請派員解京，得旨令在海口銷毀，俾軍民知所震畏，乃開池引鹵水入，隨投隨夾以石灰，俟其揚沸，旋白糜爛。事後因免解京，有疑及所繳中多空箱者。不知義律當時實虛繳無存，林公帶同官役，萬眼同朝，且委員下船收繳，亦聞箱點足，無空箱事。躉船既空所載，恐其聚泊生事，遂使還國。海船必重載而後可行，蓋船止極泊載私，半屬敝壞之船，非修不可駕駛，時事尙未禁斷，而散商貿貨，有時必以原船運出，還船實無貨可載，一時難以開行，逐之禁之，皆難驅使去。其時舟師奉公，又不敢稍作疏懈，夷人所以謂林公不知外國情事者，此一端也。

續至者，亦令續繳，甫至關，即開行者，免其窮追，此繳煙始末也。

溯考康熙中鴉片入口，以藥材收稅，來尙無幾，厥後惡吸食傷人，除其稅而禁之。嘉慶中，私販日盛，稍加制，又租船而盡薦於伶仃、急水等洋，每製出，即載至新埠，陸續來粵，源源輪運售銷，來數馳至，莫可窮詰。道光

十三年後，歲至者已七千餘箱。至是，且萬有六千餘箱矣。當阮元官總督時，知流毒日深，終必決裂，而內地商民，資以求食，欲燥其本而無從也。則密奏暫事羈縻，徐爲之計。無如代者漸積因循，李鴻寶創設兩廣巡船道光六年事，而月規反從此起。水師關口，視爲利藪，內匪私製船形如蟹，百槳飛速，謂之快蟹。代爲灌輸，行無曉夜，遇查捕僅十之一，不能避，則砲抗。兵船遇之，亦不復向問。外洋運米入濟，例免征稅，夷埠米至較多，往往因而夾壓米船以入。盧坤知巡船積弊，立令裁撤。十二年事。^和已不可及。廷楨始至，與中軍副將韓肇慶言之。十七年事。肇慶佈其屬，如蔣大彪、倫朝光、王振高、徐廣、梁恩升、保安泰輩，假查爲縱，時取蘆船數百箱，間自出所得規費易紋銀爲報功地。肇慶未幾而獲擢總兵，賞花翎，每指文員規費，語其徒，實皆假名以入己橐。廷楨但見報獲疊至，以爲實效可觀，無可起疑，且易紋銀爲私貨賊貲，繳公至巨萬，變幻更出意外，事固甚秘，即有聞見，亦疑信參焉。無敢質言者，實不疑肇慶之和負至此也。林公在道未至，鄧公爲子言，少翁在兩湖查繳烟具，以爲民間無其可用，卽爲戒絕之證，殊不知具雖繳，而凡可借以爲吸而食之者皆具也。時方在三堂右簽押房隔案坐，因指硯側水壺曰：「譬諸禁藥，某碗續盡，猶可以此盛爲飲具，正源之法，却不在此。惟互結一法，尙可行於鄉里，可先做其意行之。」予旣陳五家互結，未並及兩廣船名，請因便核正。蓋凡送京報船之往來北江者，其額必苦兩廣報船，里人因亦稱曰兩廣船，與海口巡船名目相同。但報船止從內河往返連州江口，挾私或有或無，卽有亦屬帶尾，頃無與查辦。其時公乃密令逃弁者，至報船泊處，詳訪至再，不可謂不確知隨辦。無如神猾之搘拏，能出意計外。海員兩廣船名目，尙未入公耳也。聞規費之歸營員者，每借詣署爲言，尤荒謬可髮指者，則莫如訛言及三公子。無名氏題壁詩，僅從耳食，又有「月錢三萬六千金」及「何時鏗空詠韓信，自昔銅山築鄧通」語。鄧公聞之，惡其無根訛謗，因有「查辦從嚴，不利食者，致作爲詩歌」之奏。及至奉旨查拘，又不欲爲已甚，時閩署有令江陵罷官在幕者，以所聞作者姓名告，因謂得諸傳聞，具有所證據也。先是公甫至粵，屬其門下陳舍人浦華爲寔品學兼優之士爲公子師，舍人轉訪於予，予以其人並南海林學正伯桐焉，公命取閱所著書義，其人方館離席，入塾爲書答予使辭之，而感公知己。